

## К ОПУБЛИКОВАНИЮ

### КОМИ РЕСПУБЛИКАСА ВЕСЬКӦДЛАН КОТЫРЛӦН ШУӦМ

#### Торъя категория гражданаӧс чорыд ломтасӧн могмӧдӧм серти социальнӧя отсалан мераяс йылысь

Сы могысь, медым збыльмӧдны «Коми Республикаын олысьяслы социальнӧя отсалӧм йылысь» Коми Республикаса Оланпаслысь 6.1 статья, Коми Республикаса Веськӧдлан котыр шуис:

1. Урчитны Коми Республикаса вӧр-ва да климат зонаяссӧ тӧд вылӧ босьтӧмӧн, кутшӧмьясӧс урчитӧма «Коми Республикаын олысьяслы социальнӧя отсалӧм йылысь» Коми Республикаса Оланпасӧн, торъя военнӧй операцияын участвуйтысь гражданаӧн семьяясӧ пырысьяслы чорыд ломтас ньӧбӧм вылӧ ӧтчыдысь сьӧм мынтӧмӧн социальнӧя отсалан мерасӧ татшӧм мындаын:

войвыв вӧр-ва да климат зона - вонас 4 332 шайт;

лунвыв вӧр-ва да климат зона - вонас 3 625 шайт.

2. Вынсьӧдны Чорыд ломтас ньӧбӧм вылӧ ӧтчыдысь сьӧм мынтӧмӧн социальнӧя отсалан мера сетан пӧрадоксӧ да условиеяссӧ содтӧд серти.

3. Тшӧктыны Коми Республикаса удж, уджӧн могмӧдан да социальнӧя дорьян министерстволы:

1) сетны чорыд ломтас ньӧбӧм вылӧ ӧтчыдысь сьӧм мынтӧмсӧ Коми Республикаса канму сьӧмкуд учреждениеяс – олысьясӧс социальнӧя дорьян ӧтувья шӧриньяс пыр;

2) сетны тайӧ шуӧмсӧ збыльмӧдӧмкӧд йитчӧм гӧгӧрвоӧдӧмьяс.

4. Тайӧ шуӧмсӧ олӧмӧ пӧртӧм бӧрся видзӧдны Коми Республикаса Веськӧдлан котырӧн Юрнуӧдысьӧс вежысьлы, кодӧ кывкутана могьяс юклӧм серти координируйтӧ Коми Республикаын социальнӧя дорьян юкӧнын канму политика збыльмӧдан юалӧмьяс серти Коми Республикаса олӧмӧ пӧртысь власьт органьяслысь уджсӧ.

5. Тайӧ шуӧмыс вынсялӧ 2023 вося сора тӧлысь 1 лунсянь да лоӧ вынаӧн 2023 вося ӧшым тӧлысь 31 лунӧдз.

Коми Республикаса Веськӧдлан котырӧн  
Юрнуӧдысьӧс Медводдза вежысь

Э. Ахмеева

Сыктывкар

2023 вося лӧддза-номья тӧлысь 30 лун

300 №

ВЫНСЬӨДӨМА  
Коми Республикаса Вєськөдлан котырлөн  
2023 во лөддза-номъя төлысь 30 лунся 300 №-а шуөмөн  
(содтөд)

Чорыд ломтас  
ньюбөм вылө өтчыдысь сьөм мынтөмөн  
социальнөя отсалан мера сетан  
**ПӨРАДОК ДА УСЛОВИЕЯС**

1. Тайө Пөрадоксө да условияессө дасьтөма «Коми Республикаын олысьяслы социальнөя отсалөм йылысь» Коми Республикаса Оланпаслысь 6.1 статья збыльмөдөм могысь (водзө – Коми Республикаса Оланпас) да найө ладмөдөны торья военнөй операцияын участвуйтысь гражданлөн семьясө пырысьяслы чорыд ломтас ньюбөм вылө өтчыдысь сьөм мынтөмөн социальнөя отсалан мера сетан юалөмьяссө (водзө лөсялөмөн – Пөрадок, мынтөм, семьясө пырысьяс, торья военнөй операцияын участвуйтысьяс).

2. Тайө Пөрадок серти мынтөмсө сетөны семьяө пырысьяс лыдысь өтилы, кодьясөс индөма Коми Республикаса Оланпаслөн 6.1 статьяса 3 юкөнын (водзө – гражданин).

3. Мынтөмсө сетөны сэк, кор гражданин пыр олө торья военнөй операцияын участвуйтыськөд өти олан жырйын.

4. Мынтөмсө сетөны 2023 вося өшым төлысь 31 лунысь оз сөрджык, условие дырйи, мый өнiя календарнөй воын индөм мынтөмсө абу сетлөма.

Мынтөмсө сетөны гражданалы, кодьяс олөны пача оборудованиеа да (либө) чорыд ломтас вылын уджалысь мукөд установкаа олан жырьясын, Коми Республикаса вөр-ва да климат зонаяссө төд вылө босьтөмөн, кутшөмьясөс урчитөма Коми Республикаса Оланпасөн.

5. Мынтөмсө сетөны гражданинлөн оланiн (овланiн) серти Коми Республикаса канму сьөмкуд учреждениеяс – олысьясөс социальнөя дорьян өтувья шөриньяс (водзө – шөрин).

6. Мынтөмсө сетөм могысь гражданин (либө морт, кодi лоө Россия Федерацияса оланпастэчас серти сiйөс петкөдлысьөн) (водзө – шыөдчысь) 2023 вося өшым төлысь 25 лунысь оз сөрджык сетө шөринө заявление форма серти, кутшөмөс вынсьөдөма Коми Республикаса удж, уджөн могмөдан да социальнөя дорьян министерстволөн тшөктөдөн (водзө – Министерство) да йөзөдөма «Өтуввез» юөртан да телекоммуникация везйын министерстволөн официальной сайтын сiйөс вынсьөдан лунсянь 5 уджалан лун чөжөн (водзө – заявление), да татшөм документьяс:

1) паспорт либө гражданинөс эскөдысь мукөд документ (сэк, кор гражданин нимсянь уджалө Россия Федерацияса оланпастэчас серти сiйөс петкөдлысь морт, содтөд сетөны петкөдлысьөс эскөдысь документ да лөсялана уджмогьяссө эскөдысь документ);

2) документъяс (тöдмөгъяс), кутшöмъяс эскöдöны торъя военной операцияын участвуйтысьлысь торъя военной операция нуöданінын лоöмсö (военкоматлөн справка);

3) документъяс, кутшöмъяс эскöдöны гражданинлысь торъя военной операцияын участвуйтыськöд рöдвуж йитöдъяссö (гöтрасьöм йылысь эскöдангижöд, чужöм йылысь эскöдангижöд, кутшöмъясöс сетöмаöсь суйöрсайса канмулөн компетентнöй органъяс, да роч кыв вылö налысь нотариальнöя эскöдöм вуджöдöм, урчитöм случайясын – лöсялана юридическöй лоöмтор урчитöм йылысь ёрдлөн помшуöм торъя производство пöрадок серти) либö кутшöмъяс эскöдöны торъя военной операцияын участвуйтысьлөн иждивение вылын гражданинлысь лоöмсö;

4) документ, кутшöм эскöдö олан жыр шонтöм вылö пача оборудованиеөн да (либö) чорыд ломтас вылын уджалысь мукöд установкаөн вöдитчöмсö (олан жыр вылö техническöй паспорт либö стрöйбаяс арталан органысь справка, либö жилищно-эксплуатационнöй организацияысь справка).

7. Шыöдчысь вермö сетны:

1) торъя (персонифицируйтöм) учёт нуöдан системаын гражданинöс пасйöм йылысь тöдмөгъяс;

2) документъяс (тöдмөгъяс), кутшöмъяс эскöдöны гражданинлысь да торъя военной операцияын участвуйтысьлысь рöдвуж йитöдъяссö (гöтрасьöм йылысь эскöдангижöд, чужöм йылысь эскöдангижöд), на кындзи, кутшöмъясöс сетöмаöсь суйöрсайса канмулөн компетентнöй органъяс;

3) документъяс (тöдмөгъяс), кутшöмъяс эскöдöны уджсикасö велöдан организацияясын да вылыс тшупöда велöдан организацияясын очнöя велöдчöмсö (23 арöсöдз челядьлы);

4) оланін серти пасйöм йылысь тöдмөгъяс (сэк, кор гражданинöс эскöдысь документын оланін серти пасйöм йылысь пасйöдыс абу) либö овланін серти пасйöм йылысь тöдмөгъяс;

5) оланін серти (овланін серти) торъя военной операцияын участвуйтысьöс пасйöм йылысь тöдмөгъяс.

Сэк, кор шыöдчысь аслас кöсйöм серти абу сетöма тайö пунктын индöм документъяссö (тöдмөгъяссö), шöрин тайö Пöрадоклөн 6 пунктын индöм документъяс сетан лунсянь 1 уджалан лунысь оз сёрджык корö найöс органъясысь да организацияысь, кодъяс веськöдлöны индöм документъясөн (тöдмөгъясөн), ведомствокостса юөрөн йитчöм серти.

8. Мынтöмсö сетöм могысь сетöны документъяслысь подлинникъяссö, кутшöмъясöс индöма тайö Пöрадоклөн 6 да 7 пунктъясын (сэк, кор тайö Пöрадоклөн 7 пунктын индöм документъяссö сетöма шыöдчысьлөн кöсйöм серти).

Сэк, кор заявлениисö да тайö Пöрадоклөн 6 да 7 пунктъясын индöм документъяссö (сэк, кор тайö Пöрадоклөн 7 пунктын индöм документъяссö (тöдмөгъяссö) сетöма шыöдчысьлөн кöсйöм серти) сетöма ачыс шыöдчысьыс, шöрин пасйö индöм документъяссö шыöдчысьөн найöс сетан

лунö. Тайö Пöрадоклöн 6 да 7 пунктъясын индöм документъяслысь подлинникъяссö (сэк, кор тайö Пöрадоклöн 7 пунктын индöм документъяссö (тöдмөгъяссö) сетöма шыödчыслөн кöсийöм серти), кутшöмъяс вылысь шöринса специалист вöчö копияяс, бөр сетöны шыödчыслы документъяс сетан лунö веськыда приём дырйи.

Сэк, кор заявлениесö да тайö Пöрадоклöн 6 да 7 пунктъясын индöм документъяссö (сэк, кор тайö Пöрадоклöн 7 пунктын индöм документъяссö (тöдмөгъяссö) сетöма шыödчыслөн кöсийöм серти) ыстöны шöринö пошта пыр мөдöдöмөн, документъяслысь подлинникъяссö оз ыстыны, содтöм документъяслөн копияяслысь стöчлунсö эскöдöны да заявлениеын кырымпаслысь збыльлунсö эскöдöны федеральнöй оланпастэчасөн урчитöм пöрадокын. Шöринö документъяс сетан лунөн лыддыссьö шöринын найöс пасьян лун. Шöрин пасйö индöм заявлениесö да документъяссö шöринö налөн воан лунö.

Документъяс сетан лунö веськыда приём дырйи шыödчыслы сетöны гижсьöг-уведомление (заявлениелысь ордан юкөн) документъяслысь лыддьöгсö да найöс примитан кадпассö индöмөн. Сэк, кор заявлениесö да тайö Пöрадоклöн 6 да 7 пунктъясын индöм документъяссö (сэк, кор тайö Пöрадоклöн 7 пунктын индöм документъяссö (тöдмөгъяссö) сетöма шыödчыслөн кöсийöм серти) ыстöма шöринö пошта пыр мөдöдöмөн, гижсьöг-уведомлениесö ыстöны шыödчыслы заявлениеын индöм ногөн шöринын документъяс пасьян лунсянь 3 уджалан лун чöжөн.

9. Шöрин примитö мынтöмсö сетöм (сетöмын öткажитöм) йылысь помшүөмсö (тайö Пöрадоклöн 10 пунктса 3 пунктулөн да 11 пунктөн урчитöм аслыспöлöслунъяссö тöд вылö босьтöмөн):

1) тайö Пöрадоклöн 6 да 7 пунктъясын индöм документъяс сетан лунсянь 5 уджалан лун чöжөн (сэк, кор тайö Пöрадоклöн 7 пунктын индöм документъяссö сетöма шыödчыслөн кöсийöм серти);

2) шöринлөн запрос вылö бөръя вочакыв воан лунсянь 5 уджалан лун чöжөн (сэк, кор тайö Пöрадоклöн 7 пунктын индöм документъяссö абу сетöма шыödчыслөн кöсийöм серти).

10. Мынтöмсö сетöмын öткажитöм йылысь помшүөм примитан подувъясыс сыын, мый:

1) гражданинлөн абу мынтöм вылö инöдыс;

2) тайö Пöрадоклöн 6 пунктын индöм документъяссö абу сетöма либö сетöма абу тырвйö;

3) сетöм документъясын эмöсь абу збыль тöдмөгъяс;

4) öнiя календарнöй воын мынтöмсö босьтöма семьяö мөд пырысь;

5) заявлениесö сетöма тайö Пöрадоклöн 6 пунктса медводдза абзацын индöм кадколастысь сёрджык.

11. Сэк, кор сетöм документъясын эмöсь öта-мөдкөд лöсявтöм тöдмөгъяс да (либö) документъяслөн сюрöсыс да (либö) найöс оформитöмыс оз лöсявны оланпастэчаслөн корöмъяслы, шöрин прöверитö, збыльöсь-ö индöм тöдмөгъясыс, тайö Пöрадоклöн 6 да 7 пунктъясын индöм документъяс (сэк, кор тайö Пöрадоклöн 7 пунктын индöм

документъяссö (тöдмөгъяссö) сетöма шыödчыслөн кöсйöм серти) сетан лунсянь 5 уджалан лун чöжөн органъяссö да организацияяссö, кодъяслөн эм колана юöрыс, запросъяс ыстöмөн. Та дырйи мынтöмсö сетöм (сетöмын öткажитöм) йылысь помшуöм примитан кадколастыс, кутшöмöс индöма тайö Пöрадоклөн 9 пунктын, нюжöдсьö шöринса директорөн либö сыөн уполномочитöм мортөн кадколаст вылö, мыйта колö коран юöрсö босътöм вылö, но 20 уджалан лунысь оз дырджык кежлö, мый йылысь юöртöны гражданинлы лöсялана запрос (запросъяс) ыстан лунсянь 3 уджалан лун чöжөн гижöм уведомление ыстöмөн.

Босътöм юөр подув вылын, кутшöм эскöдö, мый сетöм тöдмөгъясыс абу збыльöсь, шöрин индöм юөр босьтан лунсянь 5 уджалан лун чöжөн примитö мынтöмсö сетöмын öткажитöм йылысь помшуöм.

Босътöм юөр подув вылын, кутшöм оз эскöд, мый сетöм тöдмөгъясыс абу збыльöсь, шöрин индöм юөр босьтан лунсянь 5 уджалан лун чöжөн примитö мынтöмсö сетöм йылысь помшуöм.

12. Мынтöмсö сетöм (сетöмын öткажитöм) йылысь помшуöм примитан лунсянь 3 уджалан лун чöжөн шöрин юöртö шыödчыслы примитöм помшуöм йылысь заявленииын индöм ногөн, тайö пунктса мöд абзацын индöм случай кындзи. Сэк, кор примитöма мынтöмсö сетöмын öткажитöм йылысь помшуöм, гижсьöны подувъяс, кутшöмъяс серти вöли примитöма татшöм помшуöмсö.

Сэк, кор шыödчысь бöрйöма примитöм помшуöм йылысь юöртанногсö шöринö веськыда шыödчöмөн, тайö Пöрадоклөн 9 пунктын индöм кадколаст помасьöм бöрын шöрин юöртö шыödчыслы примитöм помшуöм йылысь шöринö лöсялöмөн сылөн веськыда шыödчан лунö.

13. Граждана вермöны выль пöв шыödчыны шöринö мынтöмсö сетöмла мынтöмсö индöмын да мынтöмын öткажитöм йылысь помшуöм примитан подувъяссö бырöдöм бöрын, кутшöмъяссöс урчитöма тайö Пöрадоклөн 10 пунктса 2 да 3 пунктувъясөн.

14. Мынтöмсö вуджöдöны гражданылы гражданинлөн заявленииын индöм ногөн тöлысьлөн бöръя лунысь оз сёрджык, мый мунö тöлысь бöрын, кор примитöма мынтöмсö сетöм йылысь помшуöмсö, а сэк, кор гражданин шыödчöма öнйя календарнöй волөн öшым тöлысьö – 2023 вося öшым тöлысь 31 лунысь оз сёрджык.

15. Мынтöмсö сетöмкöд йитчöм рöскодсö сьöмөн могмöдöны öнйя финансöвöй во вылö Коми Республикаса республиканскöй сьöмкуд сьöм тшöт весьтö.

16. Мынтöмсö сетан юалöмъяс серти вензьöмъяссö разьöны оланпастэчасөн урчитöм пöрадокын.